

授道德經存三宮第五

授道德經師北向置經於案上弟子伏左師執經弟子擊法信
師叩齒三十六通心存三宮泥丸上元宮也絳宮中元宮也丹田下元宮也三
一出千乘萬騎營衛千經其形如左

朝朝於戶外存四明等第六

朝朝於戶外呪存見四明功曹一人通真使者一人傳言玉童
二人侍靜玉女二人

右六人其形如左

凡神官位號各以明義雖皆道應感化不同前後高卑各隨才
識識悟緣漸故諸官互陳或申通宣傳或侍衛開導學者所求

道藏輯要

雲笈七籤

卷九

井集二

各從其願三元妙氣氣妙本一一本居宗三元化接三之宗一

四主冥明明之者知道知道者見妙見妙由明資於神識職有

典掌總名為曹曹有績効皆名為功功曹接導開闢觀明故曰

四明凡夫蒙愚憑道乞照修行法事先關功曹次及通真使者

玉童玉女達道正神能致生氣生氣妙一之本入身則延年

不死超三界之上居三元宮中正一在德八方和明功職所關

故號四上右虎左龍仁義嚴明仁以輔善義以止惡惡消善積

由於知真真無復雜雜弗能變故稱素女潔白靡汙夜闈無明

兼須童朗上玄少女演元始之氣字者入黃宮之中中極正

宗高尊所處信誠感道所啟必允入膺義依此例